

佛說秘密八名陀羅尼經

宋三藏法師法賢奉詔詳

如是我聞一時佛在舍衛國祇樹給孤獨園
與大比丘衆千二百五十人俱復有諸菩薩
摩訶薩衆金剛手而爲上首爾時世尊告金
剛手菩薩大秘密主言如汝本部號金剛部
於持明藏中最上甚深秘密之法衆生淺識
根器狹劣於秘密義難信難解汝已先說難
信解法汝不依法非曰聖人得名不善亦曰
難調金剛手我今於汝金剛部中略說汝之

秘密八名及陀羅尼是陀羅尼若持誦者於
諸所求易得成就若人聞此陀羅尼經發至
誠心受持讀誦者是人所有無間罪業悉皆
消滅持是經時法威力故所有八萬四千俱
胝那由他諸惡魔衆退散馳走十方世界若
人聞此陀羅尼歡喜願樂者是不持戒者
得戒完具非梵行者得成梵行非寂靜者得
成寂靜乃至得見諸佛菩薩歡喜安慰施所
求願令得成就爾時金剛手菩薩蒙佛誨責
頭面作禮白言世尊我先所說誠如聖旨唯

願世尊不捨大悲普為見在及與未來一切
衆生宣說於我八種秘密名字及陀羅尼令
諸衆生獲大利益佛告金剛手言諦聽諦聽
我於最勝持明藏金剛部中說汝秘密八名
一名象耳二名妙莊嚴三名功德寶海四名
無動五名真實雲六名可愛色相七名燄光
八名妙色金剛手此即是汝秘密八名即說
陀羅尼曰

那謨引沒馱引野一那謨引達哩摩合二野二
那謨引僧伽引野三那謨引嚩日囉合二播引

拏野四怛顚他五遏致六渴囉致七蘇引摩
目契八薩哩嚩合二哥引哩也合二尼婆引達野
九四哩十彌哩十一哩尼十二悉殿覩滿怛囉合二
鉢那引莎引賀三引十

佛告金剛手菩薩言如是秘密名及陀羅尼
若復有人受持譯二讀誦者是人於七十四俱胝那由
他百千劫不墮地獄臨命終時諸佛菩薩現
身面前安慰說法命終之後生兜率陀天
佛說是經已金剛手菩薩等諸菩薩及一切
世間天人阿脩羅乾闥婆人非人等聞佛所

說皆大歡喜信受奉行

佛說秘密八名陀羅尼經

觀自在菩薩母陀羅尼經

宋三藏法師法賢奉詔譯

如是我聞一時佛在廣嚴城與大比丘衆舍利子等五百人俱復有慈氏等大菩薩衆恭敬圍遶敷座而坐爾時會中有一菩薩名曰

普賢從座而起詣世尊前偏袒右肩右膝著地合掌向佛白言世尊有觀自在菩薩母陀羅尼大明章句乃是過去現在未來諸佛世尊隨喜宣說我佛世尊爲菩薩時爲求正等正覺利益衆生故亦曾宣說此陀羅尼又復此陀羅尼與求菩薩善男子善女人爲父爲母亦如孤獨而得依怙無主宰者當得主宰彼陀羅尼若人得已讀誦受持者一切罪業悉得消滅一切行願皆得圓滿乃至修諸大明亦獲成就佛告普賢菩薩言誠如汝說我

深二

十五